

NOTAT

Kalaallit Nunaata ILO-p isumaqatigiissutaanik nr.
111-mik akuersissutiginninnera



Juni 2014

J.nr. 2014-3461

CAIJ/MAT

Isumaqatigiissut pillugu eqikkaaneq

Suliffeqarnermut inuussutissarsiuteqarnermullu atatillugu assigiinngitsineq pillugu isumaqatigiissut nr. 111, 1958-mi akuerineqarpoq Danmarkimillu 1960-mi atortuulersinneqartoq 22. juni 1961 atuutilerpoq.

Isumaqatigiissummi pineqarpoq suliffeqarnermut inuussutissarsiuteqarnermullu atatillugu assigiinngitsisarneq. Assigiinngitsisarneq ima paasineqassaaq “race, ammip qalipaataa, suaassuseq, upperisaq, politikikkikut isummertarneq, sumiuus-suseq imaluunniit inuttut naggueqarneq patsisigalugit immikkoortitsinerit, ilaati-taannginnerit imaluunniit allanit salliutinneqarluni iliorfiginninnerit suulluunniit, suliffeqarnermi inuussutissarsiornermiluunniit periarfissanut qanorlu iliorfiginninnerit attuumassuteqartunut naligiissitaanermik atorunnaarsitsisunik imaluunniit ajornerulersitsisunik kinguneqartartut”. Sulisitsisut aamma sulisartut kattuffiunik tunuliaqutaqarluartunik, allanillu kattuffinnik naleqquttunik isumaqatigiinniareernerup kingorna, pisutsit taaneqartut saniatigut nunagisami allanik ilanngussineq nalunaarutigineqarsinnaavoq.

Suliffeqarneq aamma inuussutissarsiut ima paasineqassapput “suliamut ilinniagaqarnissamut periarfissaqarneq, suliffeqarnissamut periarfissaqarneq aammalu inuussutissarsiutinut aalajangersimasunut sulinermi atugassarititaasut aammattaaq ilaapput”.

Artikel 5 naleqqiullugu immikkut illersuutissatut ikiuutissatulluunniit iliuitsit akuerineqarsinnaapput. Tamatumunnga assersuutaasannaapput iliuitsit, suaassuseq, qanoq ukiorneq, innarluuteqarneq, ilaqutariissutsikkut tunngasutigut pisussaaffeqarneq, imaluunniit inuttut kulturikkulluunniit inissisimaneq pissutigalugit immikkut pisariaqartitanik akuersaarnissamik siunertaqartut.

Oqartussaassuseqarneq

Isumaqatigiissutip nr. 111-p sammisaqarfia, Namminersorlutik Oqartussanit tamakkiisumik oqartussaaffigineqalernikuvoq.

Naliliineq

Namminersorlutik Oqartussat nalilerpaat, kalaallit isumaqatigiissummik akuersissutiginninnerisut namminersorlutik oqartussat oqartussaaffiisa ataanni nutaanik inatsisiliornissaq pisariaqassanngitsoq.

Beskæftigelsesministeriep nalilerpaa, kalaallit akuersissutiginninnerisigut naalagaaffimmi inatsisunik atuutunik allanngortitsinissaq pisariaqassanngitsoq.